

UGOVOR

Nabavka uređaja za digitalizaciju uzoraka (patologija, citologija), radnih stanica i pratećeg softverskog paketa za JU Zavod za zdravstvenu zaštitu žena i materinstva KS

zaključen u Sarajevu dana, 05.08.2022. godine između:

Ministarstvo zdravstva Kantona Sarajevo,
sa sjedištem u Sarajevu, ulica Džemaludina Čauševića broj 1,
ID broj: 4200664400000
Telefon: 033/562-106, Fax: 033/562-243,
koju zastupa Prof.dr Haris Vranić, Ministar (u daljem tekstu: Kupac),
i

Naziv ponuđača Berg d.o.o. Sarajevo
sa sjedištem u Sarajevu, ulica Grbavučka 7a,
ID broj: 4200617230007 PDV broj: 200617230007
Telefon: 033 811 050 Fax: 033 553 180 e-mail: prodaja@berg.ba
koga zastupa Jasminko Filipović, direktor (u daljem tekstu: Dobavljač)

PREDMET UGOVORA

Član 1.

Predmet ovog ugovora je nabavka uređaja za digitalizaciju uzoraka (patologija, citologija), radnih stanica i pratećeg softverskog paketa za JU Zavod za zdravstvenu zaštitu žena i materinstva KS i to:

Sve u skladu sa predmetnom nabavkom definisanom u Prilogu 3, koji čini sastavni dio ovog ugovora.

i
Ponuda Dobavljača br. P-143/22 od 21.07.2022. god. koja je dostavljena u postupku javne nabavke, putem otvorenog postupka čini sastavni dio ovog Ugovora, sa tim da se zbog obimnosti iste, uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora.

CIJENA

Član 2.

Cijena koju će Kupac isplatiti Dobavljaču za robe iz člana 1. Ugovora iznosi:

Cijena bez PDV-a: 398.000,00 KM;
Porez na dodanu vrijednost (PDV 17%) =67.660,00 KM;
UKUPNA VRIJEDNOST / CIJENA sa PDV-om = 465.660,00 KM
(slovima: četrístotínešezdesetpethíljadašeststotínašezdeset i 00/100 KM).
Paritet: Ministarstvo zdravstva Kantona Sarajevo,
sa sjedištem u Sarajevu, ulica Džemaludina Čauševića broj 1

USLOVI I NAČIN PLAĆANJA

Član 3.

Plaćanje će se izvršiti u roku do 60 dana od dana zaprimanja fakture za isporučenu robu nabavka uređaja za digitalizaciju uzoraka (patologija, citologija), radnih stanica i pratećeg softverskog paketa za JU Zavod za zdravstvenu zaštitu žena i materinstva KS, putem otvorenog postupka iz člana 1. ovog Ugovora, koji u svom prilogu obavezno ima potpisan originalan račun za predmetnu nabavku bez primjedbi i otpremnice o isporuci i puštanju u rad predmetne nabavke, sve potpisano od strane ovlaštene osobe koje odredi Ugovorni organ.

Plaćanje se obavlja na žiroračun Dobavljača broj računa: **1610000035410055 kod Raiffeisen bank dd.**

Kupac ne prihvata avansno plaćanje i traženje sredstava osiguranja plaćanja.

Ukupna plaćanja Dobavljaču bez PDV-a na temelju sklopljenog ugovora ne smiju prelaziti procijenjenu vrijednost nabavke.

Dobavljač je dužan izdati/sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju Kupca ni onda kada je fakturu primio, a nije joj prigovorio.

ROK ISPORUKE, PUŠTANJA U RAD I OBUKE OSOBLJA

Član 4.

Rok isporuke, puštanja u rad i obuke osoblja na može biti duži od 60 (šezdeset) dana. Pod isporukom se podrazumijevaju sve potrebne radnje koje je Dobavljač dužan obaviti, u skladu sa Tehničkim specifikacijama koje su predmet nabavke.

Mjesto izvršenja obaveza Dobavljača je Kanton Sarajevo, i to:

Lokalitet: JU Zavod za zdravstvenu zaštitu žena i materinstva Kantona Sarajevo u ulici Josipa Vancaša 1, Sarajevo 71000 ili lokacija koju odredi Kupac, na bilo kojem mjestu na području Kantona Sarajevo.

Kupac se obavezuje isplatiti cijenu i preuzeti isporuku ugovorenu predmetnu nabavku onako kako je predviđeno ovim ugovorom. Kupčeva obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti isporuku.

VIŠA SILA

Član 5.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od dva dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 15 dana, ugovorne strane će se sporazumijeti o daljnjoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

ODGOVORNOST ZA MATERIJALNE I PRAVNE NEDOSTATKE

Član 6.

Dobavljač odgovara za materijalne nedostatke stvari / opreme koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički / komisijski utvrđuju Kupac i Dobavljač. U obavijesti o nedostatku stvari / opreme Kupac je dužan potanje opisati nedostatak i pozvati Dobavljača da pregleda stvar / opremu. Ako obavijest o nedostatku koju je Kupac blagovremeno poslao Dobavljaču preporučenim pismom, telefaksom, e-mailom ili na neki drugi pouzdan način, zakasni ili uopšte ne stigne prodavatelju smatra se da je Kupac izvršio svoju obavezu da obavijesti Dobavljača. Nedostatak postoji ako ugovorena / isporučena oprema / stvar nema svojstva i odlike koje su izričito određene ovim ugovorom. Dobavljač odgovara i za nedostatke koje je Kupac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

GARANTNI ROK

Član 7.

Garantni period na koji se Dobavljač obavezuje u pogledu ugovorene predmetne nabavke počinje teći od datuma obostranog potpisivanja Zapisnika o kvalitativnom i kvantitativnom prijemu i puštanju u rad predmetne nabavke. Na osnovu predatog garantnog lista kojim proizvođač opreme garantuje ispravno funkcionisanje iste. Kupac ima pravo, ako medicinska oprema ne funkcioniše ispravno, zahtijevati kako od Dobavljača da iste popravi u određenom roku ili, ako to ne učini, da mu mjesto nje isporuči predmetnu nabavku koja funkcioniše ispravno. U slučaju manjeg popravka, garantni rok se produžava onoliko koliko je Kupac/korisnik bio lišen upotrebe. Međutim, kada je zbog neispravnog funkcionisanja izvršena zamjena stvari ili njezin bitni popravak, garantni rok počinje teći ponovo od zamjene, odnosno vraćanja popravljene predmetne nabavke. Ako je zamijenjen ili bitno popravljen samo neki dio medicinske opreme, garantni rok počinje teći ponovo samo za taj dio.

Dobavljač se obavezuje na garantni period:

- a) od potpisivanja zapisnika o kvantitativnom prijemu i puštanja u rad predmetne nabavke bez primjedbi u trajanju od minimalno 12 mjeseci

GARANCIJA ZA UREDNO IZVRŠENJE UGOVORA

Član 8.

Ukoliko dobavljač ne dostavi безусловnu garanciju za uredno izvršenje ovog Ugovora u roku od 10 dana od dana obostranog potpisivanja, ovaj Ugovor se smatra apsolutno ništavnim.

UGOVORNA KAZNA, ZATEZNA KAMATA

Član 9.

U slučaju kašnjenja u isporuci opreme Kupac će zaračunati i naplatiti Dobavljaču na ime ugovorne kazne iznos od 1 % ukupne vrijednosti opreme čija isporuka kasni za svaki puni dan zakašnjenja počev od prvog dana docnje do maksimalnih 10 %, ukupne vrijednosti / cijene Ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Kupac ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

...a zakašnjela plaćanja Dobavljač će zaračunavati Kupcu zatezne kamate prema primjenjivom / pozitivnom propisu.

STUPANJE UGOVORA NA SNAGU

Član 10.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

PRIMJENA ZAKONA O OBLIGACIONIM ODNOSIMA

Član 11.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

RJEŠAVANJE SPOROVA

Član 12.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava (1) ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

OSTALE ODREDBE

Član 13.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 14.

Izmjene i dopune ovog ugovora mogu se vršiti samo pismenim putem. Bit će punovažne i obavezivat će ugovorne strane samo one izmjene i dopune koje su sačinili sporazumno u pismenoj formi.

Član 15.

Ovaj Ugovor je sačinjen u četiri istovjetna primjeraka od kojih svaka ugovorna strana zadržava po dva primjerka.

Berg d.o.o.



Direktor

Jasminko Filipović

UF2022-132

Ministarstvo zdravstva Kantona Sarajevo



Ministar

Prof. dr. Haris Vranić

10/23-23003-9/22

OBRAZAC ZA PONUDU

Broj nabavke: 10-33-23003/22
 Broj obavještenja sa Portala JN: 1332-1-1-14-3-4/22

GOVORNI ORGAN: **Ministarstvo zdravstva Kantona Sarajevo**

Adresa ugovornog organa: **Ul. Reisa Džemaludina Čauševića br.1, Sarajevo 71 000**

PONUĐAČ: BERG DOO; 4200617230007
 (Upisuje se naziv ponuđača i ID broj ponuđača)

Adresa ponuđača: GRBAVIČKA 7A

Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se i podatak da je to predstavnik grupe ponuđača. Podugovarač se ne smatra članom grupe ponuđača u smislu postupka javne nabavke.

KONTAKT OSOBA (za konkretnu ponudu)

Ime i prezime	<u>IDRIŽ KAPICĀJA</u>
Adresa	<u>GRBAVIČKA 7A</u>
Telefon	<u>033/811-050</u>
Faks	<u>033/553-180</u>
E-mail	<u>Prodaja@berg.ba</u>

IZJAVA PONUĐAČA:

*Ukoliko ponudu dostavlja grupa ponuđača, onda Izjavu ponuđača popunjava predstavnik grupe ponuđača.

U postupku javne nabavke, koju ste pokrenuli i koja je objavljena na Portalu javnih nabavki, Broj obavještenja o nabavci 1332-1-1-14-3-4/22, dana 17.06.2022, dostavljamo ponudu i izjavljujemo sljedeće:

1. U skladu sa sadržajem i zahtjevima tenderske dokumentacije br. 10-33-23003/22 (broj nabavke koju je dao ugovorni organ), ovom izjavom prihvatamo njene odredbe u cjelosti, bez ikakvih rezervi ili ograničenja.
2. Ovom ponudom odgovaramo zahtjevima iz tenderske dokumentacije za isporuku roba, u skladu sa uslovima utvrđenim tenderskom dokumentacijom, kriterijima i utvrđenim rokovima, bez ikakvih rezervi ili ograničenja.

Naziv roba (sa količinama, ukoliko je primjenjivo) PANORAMIC SCAN 11 - 1 kom.;
BARCO RADNA STANICA MDRC-2324 - 2 kom.; BARCO RADNA STANICA MDPC-8127 - 2 kom.




3. Cijena naše ponude za (bez PDV-a.) je 398.000,00 KM.
 Popust koji dajemo na cijenu je 0,00 KM.
 Cijena naše ponude, sa uključenim popustom je 398.000,00 KM.
 PDV na cijenu ponude (sa uračunatim popustom) 67.669,00 KM.
 Ukupna cijena za ugovor je 465.669,00 KM.
 (Slovima: ČETILISTOTINEŠEDESETPETALJADAŠESTSOTINAŠEDESET 00/100KM).


U prilogu se nalazi i obrazac za cijenu naše ponude, koji je popunjen u skladu sa zahtjevima iz tenderske dokumentacije. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

4. Ova ponuda važi 90 (DEVEDESET) DANA (broj dana ili mjeseci se upisuju i brojačano i slovima, a u slučaju da se razlikuju, validan je rok važenja ponude upisan slovima) računajući od isteka roka za prijem ponuda tj. do (31...../10...../2022) (datum).
5. Ako naša ponuda bude najuspješnija u ovom postupku javne nabavke, obavezujemo se:
 a) dostaviti dokaze o kvalificiranosti, u pogledu lične sposobnosti, ekonomske i finasijske sposobnosti, te tehničke i profesionalne sposobnosti koji su traženi tenderskom dokumentacijom i u roku koji je utvrđen, a što potvrđujemo izjavama u ovoj ponudi.

Ime i prezime osobe koja je ovlaštena da predstavlja ponuđača: IDRIJE KAPICIJA

Potpis ovlaštene osobe: 

Mjesto i datum: SARAJEVO, 24.07.2022.

Pečat: 
 BERG
 d.o.o.

Uz ponudu je dostavljena sljedeća dokumentacija:
 [Popis dostavljenih dokumenata, izjava i obrazaca sa nazivima istih]

1. _____
2. _____
3. _____
4. _____
5. _____
6. _____
7. _____
8. _____
9. _____
10. _____
11. _____
12. _____
13. _____
14. _____
15. _____
16. _____
17. _____
18. _____
19. _____



- 20. _____
- 21. _____
- 22. _____
- 23. _____
- 24. _____
- 25. _____
- 26. _____
- 27. _____
- 28. _____
- 29. _____
- 30. _____

Ime i prezime osobe koja je ovlaštena da predstavlja ponuđača: IDRIJ KAPIC IJA

Potpis ovlaštene osobe: [REDACTED]

Mjesto i datum: SARAJEVO, 21.07.2022

Pečat preduzeća: 

